



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Կ-3/6

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 24 » 01 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ն. Պողոսյանի կողմից 19.10.2021 թվականին հայտնաբերվել է իրավահարաբերության ծագման պահին գործող խմբագրությամբ Վարչական իրավախախտումների վերաբերյալ օրենսգրքի (հետայսու՝ Օրենսգրք) 169.16-րդ հոդվածի 10-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Ռաֆիկ Ալեքսանի Աֆրիկյանի կողմից Երևան քաղաքի Կորյունի փողոցի հ. 19 հասցեում, առանց համապատասխան թույլտվության իրականացվել է հանրային սննդի կազմակերպում և իրացում, որի վերաբերյալ 29.11.2021 թվականին կազմվել է վարչական իրավախախտման վերաբերյալ թիվ 040432 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին է լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 24.01.2023 թվականին գործի քննությանը ներկայացավ անհատ ձեռնարկատեր Ռաֆիկ Աֆրիկյանի ներկայացուցիչ Խաչիկ Գազիկի Խաչիկյանը (նույնականացման քարտ 6521358076 տրված 21.08.2021 թվականին): Վերջինս վարչական մարմնին բացատրություն տվեց այն մասին, որ նշվածի վերաբերյալ առարկություններ չունի: Իր վստահորդի նկատմամբ առաջին անգամ է քննվում վարչական պատասխանատվության ենթարկելու հարց:

Անհատ ձեռնարկատեր Ռաֆիկ Ալեքսանի Աֆրիկյանի ներկայացուցիչ Խաչիկ Գազիկի Խաչիկյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ տեղեկատվությունը, ՀԴՄ կտրոնի պատճենը, լիազորագիրը, ինչպես նաև անհատ ձեռնարկատեր Ռաֆիկ Աֆրիկյանի ներկայացուցիչ Խաչիկ Գազիկի Խաչիկյանի կողմից տրված բացատրությունները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 19.10.2021 թվականին անհատ ձեռնարկատեր Ռաֆիկ Ալեքսանի Աֆրիկյանի կողմից Երևան քաղաքի Կորյունի փողոցի հ. 19 հասցեում, առանց համապատասխան թույլտվության իրականացվել է հանրային սննդի կազմակերպում և իրացում:

Անհատ ձեռնարկատեր Ռաֆիկ Ալեքսանի Աֆրիկյանի կողմից թույլ է տրվել Օրենսգրքի 169.16-րդ հոդվածի 10-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Ռաֆիկ Ալեքսանի Աֆրիկյանի ներկայացուցիչ Խաչիկ Գազիկի Խաչիկյանի կողմից տրված բացատրությունները և այն, որ անհատ ձեռնարկատեր Ռաֆիկ Ալեքսանի

Աֆրիկյանի կողմից առաջին անգամ է թույլ տրվել 169.16-րդ հոդվածի 10-րդ մասով նախատեսված իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Իրավահարաբերության ծագման պահին գործող խմբագրությամբ օրենսգրքի 169.16-րդ հոդվածի 10-րդ մասի համաձայն՝ առանց թույլտվության հանրային սննդի կազմակերպումը և իրացումը առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի ութսունապատիկից մինչև հարյուրապատիկի չափով, իսկ քաղաքացիների նկատմամբ՝ սահմանված նվազագույն աշխատավարձի հիսնապատիկից մինչև յոթանասունապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 169.16-րդ հոդվածի 10-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի հ. 2703-Ա որոշումներով՝

ՈՐՈՇԵՑԻ

1. Ռաֆիկ Ալեքսանի Աֆրիկյանին Օրենսգրքի 169.16-րդ հոդվածի 10-րդ մասով ենթարկել վարչական պատասխանատվության՝ նշանակելով վարչական տույժ 80.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՇՈՒԹՅԱՆ
ՎԱՐՇԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ